

### **Joseph Tafalla Negrete**

(Zaragoza, 1639 – Madrid, 1696)

Os datos biograficos que conoxemos de Joseph Tafalla Negrete, avogau d'os Reales Consejos de Aragón, son, en a suya mayoría, grazias a la tesi doctoral de María Rosario Juste Sánchez. D'ista manera, sabemos que cursó os suyos estudios de Gramatica con os chesuitas y que en 1656 obtenió a Lizenziatura y o Machisterio en Artes en a Universidat de Zaragoza. Ixe mesmo año se matriculó como avogau en l'Ilustre Colegio de Zaragoza, por o que, por o que pareix, obtenió tamién o grau de doctor en Churisprudenzia.

Alcanzó fama como letrista de villanzicos barrocos, pus cualques composizions suyas estioron musicadas en templos de Calatayud (1671) y Sevilla (1674). En 1678 se tresladó a vivir a Madrid como poeta a lo serviziu d'o marquesau de Alcañices.

O villanzico en aragonés «Vna montañesa ziega», estió componiu antes d'ixa calendata, pero publicau años dimpués d'a muerte d'o escritor.

Joseph Tafalla estió autor d'o libro *Descripción d'as fiestas, que consagraron a la zelebridat d'o Martirio, y Beatificazió sole mne de San Pedro Arbués* (1664) y de cuantos poemas replegaus en la obra *Ramillete poetico de las discretas flores del ameníssimo, delicado numen* (1706), que tenió una segunda impresión en 1714, tamién en Zaragoza, a costa de José Mendoza. Anque publicau por primera vez en 1706, a suya calendata de composizió ye anterior, ya que, como s'ha indicau, a muerte de l'autor se sitúa ta 1696. En o *Ramillete poético* aparixe una composizió escrita en aragonés, o villanzico “Vna montañesa ciega”. En él o narrador utiliza a luenga castellana en l'inizio d'o poema y l'aragonés en as coplas mesas en boca d'a protagonista, prozedén d'as montañas.

[https://es.wikipedia.org/wiki/Jos%C3%A9\\_Tafalla\\_Negrete](https://es.wikipedia.org/wiki/Jos%C3%A9_Tafalla_Negrete)